



**Broj predmeta:** 05-000386/21  
**Broj akta:** 01.11-0377MB-017/21  
**Datum,** 23.6.2021.. godine  
**Mjesto,** Brčko

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta Bosne i Hercegovine“, broj 2/10), člana 10. i člana 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 22/18 – prečišćeni tekst, 49/18, 8/19, 10/19 i 32/19), i Zaključka Vlade Brčko distrikta Bosne i Hercegovine broj predmeta: 05-000386/21, broj akta: 01.11-0377MB-003/21 od 24.03.2021. godine, na prijedlog Odjela za poljoprivredu, šumarstvo i vodoprivredu, broj predmeta: 05-000386/21 od 17.06.2021. godine, Vlada Brčko distrikta Bosne i Hercegovine, na 17. redovnoj sjednici održanoj 23. juna 2021. godine, d o n o s i

## O D L U K U

### O USVAJANJU PROGRAMA O PLASIRANJU NOVČANIH SREDSTAVA KROZ KREDITNE LINIJE U CILJU RAZVOJA POLJOPRIVREDE NA PODRUČJU BRČKO DISTRIKTA BiH

#### Član 1.

Usvaja se Program o plasiranju novčanih sredstava kroz kreditne linije u cilju razvoja poljoprivrede na području Brčko distrikta BiH.

#### Član 2.

Sastavni dio ove odluke čini Program o plasiranju novčanih sredstava kroz kreditne linije u cilju razvoja poljoprivrede na području Brčko distrikta BiH.

#### Član 3.

Za realizaciju ove odluke i Programa iz člana 1. ove odluke, zadužuje se Odjeljenje za poljoprivredu, šumarstvo i vodoprivredu Vlade Brčko distrikta BiH, Direkcija za finansije i Razvojno-garantni fond Brčko Distrikta BiH.

#### Član 4.

Ova Odluka stupa na snagu danom donošenja i bit će objavljena u “Službenom glasniku Brčko distrikta Bosne i Hercegovine”.

#### DOSTAVITI:

1. Članovima Vlade Brčko distrikta BiH,
2. Direkciji za finansije Brčko distrikta BiH
3. Kancelariji za upravljanje javnom imovinom
4. Brčko distrikta BiH,
5. Kancelariji koordinatora Brčko distrikta BiH u
6. Vijeću ministara BiH,
7. Razvojno-garantnom fondu Brčko distrikta BiH
8. Kabinetu gradonačelnika
9. Sekretaru Vlade Brčko distrikta BiH
10. Sektoru za opšte poslove i strateško planiranje
11. „Službenom glasniku Brčko distrikta BiH“
12. Arhivi

**GRADONAČELNIK**

**Esed Kadrić**

**PROGRAM**  
**O PLASIRANJU NOVČANIH SREDSTAVA KROZ KREDITNE LINIJE**  
**U CILJU RAZVOJA POLJOPOPRIIVREDE NA PODRUČJU BRČKO DISTRIKTA BiH**

**Član 1.**

Ovim Programom odobrava se plasiranje novčanih sredstava u iznosu od **1.954.262,73 KM** putem kreditnih linija u cilju razvoja poljoprivrede na području Brčko Distrikta BiH.

**Član 2.**

Novčana sredstva iz člana 1. ovog programa nalaze se na računu otvorenom kod Addiko banke a.d. Banja Luka broj: 5520250002722695 (5.1 Izvještaj o stanju na računima i prikupljenim prihodima Brčko distrikta BiH, 5.1.1. Podračun „Kredit“ depozitnog računa Trezora-sredstva FAR Programa), a ostvarena su po osnovu povrata i po osnovu povrata novčanih sredstava po zaključenom Ugovoru o finansijskim uslugama kreditiranja razvoja poljoprivrede na području Brčko Distrikta BiH, broj: 01-014-008327/06-2 od 3. 10. 2006. godine.

**Član 3.**

(1) Novčana sredstva iz člana 1. ovog programa plasiraju se putem kredita preko komercijalnih banaka, mikrokreditnih društava ili fondacija (u daljem tekstu: finansijske institucije), koje ispune uslove iz Javnog poziva i sa kojima Brčko Distrikt BiH sklapa Ugovor o finansijskim uslugama kreditiranja razvoja poljoprivrede na području Brčko Distrikta BiH.

(2) Novčana sredstva iz člana 1. ove odluke, koja će se plasirati putem kredita ustupaju se finansijskim institucijama bez naknade i kamate.

**Član 4.**

Odjeljenje za poljoprivredu, šumarstvo i vodoprivredu, Vlade Brčko Distrikta BiH (u daljem tekstu: Odjeljenje) raspisuje Javni poziv za sklapanje Ugovora o finansijskim uslugama kreditiranja razvoja poljoprivrede na području Brčko Distrikta BiH.

**Član 5.**

(1) Uz prijavu na Javni poziv iz člana 4. ovog programa finansijska institucija dužna je dostaviti:

- a) dokaz da se protiv nje ne vodi krivični postupak ,
- b) dokaz da nije prekršajno kažnjavana, i da nije izrečena zabrana obavljanja djelatnosti u posljednjih 5 (pet) godina,
- c) dokaz da je ispunila sve obaveze u vezi sa plaćanjem doprinosa za socijalno osiguranje (zdravstveno, penzijsko-invalidsko osiguranje i osiguranje od nezaposlenosti) u skladu sa važećim zakonskim odredbama u BiH;
- d) dokaz da je izmirila poreske obaveze u skladu sa važećim zakonskim odredbama u BiH na dan njegovog izdavanja (potvrda nadležne institucije za poreze, osim indirektnih poreza);
- e) izjavu potpisanu od strane ovlaštenog lica, da se protiv nje ne vodi prekršajni postupak pred nadležnim sudom, pokrenut na zahtjev Agencije za bankarstvo Republike Srpske / Federacije BiH,
- f) ovjerenu kopiju izvoda iz sudskog registra sa posljednjim statusnim promjenama,
- g) ovjerenu kopiju Dozvole za rad izdate od strane Agencije za bankarstvo Republike Srpske/ Federacije BiH;
- h) ovjerenu kopiju Certifikata o članstvu, izdatog od strane Agencije za osiguranje depozita Bosne i Hercegovine;
- i) izjavu, potpisanu od strane ovlaštenog lica, da ispunjava sljedeće minimalne standarde:
  - 1) za upravljanje kreditnim rizikom,

2) za upravljanje rizikom likvidnosti i

3) za održavanje kapitala.

j) dokaz da finansijska institucija nije imala negativno mišljenje revizorske kuće koja je vršila eksternu reviziju finansijskog poslovanja za posljednje dvije godine.

(2) Dokumenti iz stava (1) tačke a) do d) moraju biti izdati od nadležnog sudskog ili upravnog organa, originalni ili ovjerena kopija, i ne stariji od tri mjeseca od dana objavljivanja Javnog poziva.

### **Član 6.**

Sa finansijskim institucijama koje ispune uslove iz Javnog poziva Brčko Distrikt BiH zaključuje Ugovor o finansijskim uslugama kreditiranja razvoja poljoprivrede na području Brčko Distrikta BiH, kojim se regulišu sva međusobna prava i obaveze.

### **Član 7.**

(1) Krediti se odobravaju krajnjim korisnicima preko finansijskih institucijama po sljedećim uslovima:

a) maksimalan iznos kredita je:

1) za fizička lica 30 000,00 KM,

2) za pravna lica 60 000,00 KM,

b) rok otplate kredita do pet godina ;

c) grace period od 6 mjeseci do jedne godine (u zavisnosti od vrste proizvodnje i iznosa kredita) ;

d) efektivna kamatna stopa maksimalno do 5 % i ne može se mijenjati tokom perioda povrata kredita.

(2) Krajnji korisnici kredita mogu podnijeti jedan ili više zahtjeva za dodjelu kredita s tim što ukupan iznos kredita ne može biti veći od iznosa iz stava (1) tačka a) ovog člana.

(3) Izuzetak od stava (2) su lica koja su izmirila sva dugovanja po osnovu ovog programa te ukoliko nema zahtjeva novih korisnika kredita.

(4) Odluku o izboru kranjeg korisnika poljoprivrednog kredita donosi finansijska institucija, koja preuzima obavezu vođenja kreditnih poslova uz preuzimanje rizika plasmana i vraćanje plasiranih sredstava.

### **Član 8.**

(1) Korisnik kredita može biti:

a) fizičko lice koje ima prebivalište u Brčko Distriktu BiH najmanje u posljednjih pet godina, koje je upisano u Registar poljoprivrednih gazdinstava i Registar clijenata na području Brčko Distrikta BiH i koje ima status osiguranog lica Fonda zdravstvenog osiguranja Brčko Distrikta BiH;

b) pravno lice koja ima sjedište u Brčko Distriktu BiH i koje je registrovano za obavljanje poljoprivredne djelatnosti i upisano u Registar poljoprivrednih gazdinstava i Registar clijenata na području Brčko Distrikta BiH.

(2) Lice, iz stava (1) ovog člana, ne smiju imati dospjele neizmirene obaveze prema Brčko Distriktu BiH po osnovu:

a) ugovora o zakupu poljoprivrednog zemljišta u svojini Brčko Distrikta BiH;

b) ugovora o robnim kreditima za steone junice;

c) doprinosa za zdravstveno, penzijsko-invalidsko osiguranje i osiguranje od nezaposlenosti - za pravna lica;

d) doprinosa za zdravstveno osiguranje – za fizička lica;

e) poreske obaveze - za pravna lica.

### **Član 9.**

Kreditni se plasiraju za sljedeće namjene:

- a) za primarnu poljoprivrednu proizvodnju i to:
  - 1) ratarsku ;
  - 2) stočarsku, uz uslov da je stoka obilježena i posjeduje dokumentaciju o porijeklu i zdravstvenoj ispravnosti u skladu sa Zakonom o veterinarstvu u BiH („Službeni glasnik BiH“, broj: 34/02);
  - 3) voćarsku i
  - 4) povrtlarsku.
- b) nabavku mehanizacije, (samohodajuća poljoprivredna mehanizacija i priključna poljoprivredna mehanizacija)
- c) izgradnju objekata za primarnu poljoprivrednu proizvodnju,
- d) kapitalne investicije (podizanje novih nasada voća, izgradnja plastenika i staklenika, ruralni razvoj – investiranje u prerađivačke kapacitete, hladnjače i sušare, ostale poljoprivredne investicije, organska proizvodnja i certificiranje po standardima Global GAP).

### **Član 10.**

Kreditni se plasiraju u konvertibilnim markama i obavezno su vezani valutnom klauzulom za evro, po kursu Centralne banke BiH na dan otplate kredita.

### **Član 11.**

(1) Po odobrenju i isplati kredita krajnjem korisniku, finansijska institucija dostavlja Odjeljenju zahtjev za prenos novčanih sredstava u visini odobrenog kredita.

(2) Uz zahtjev iz stava (1) ovog člana finansijska institucija je dužna dostaviti bjanko mjenicu i virmanske naloge (broj virmanskih naloga je jednak broju kvartala u kreditnom periodu).

(3) Na osnovu zahtjeva iz stava (1) ovog člana Odjeljenje dostavlja Direkciji za finansije zahtjev za prenos sredstava sa računa iz člana 2. ovog programa na račun finansijske institucije koja je plasirala sredstva.

(4) Odjeljenje je obavezno da redovno vrši plasiranje i replasiranje sredstava kroz kreditne linije do utroška sredstava.

(5) Operativne troškove plasiranja i replasiranja sredstava snosi Direkcija za finansije.

### **Član 12.**

(1) Razvojno-garantni Fond Brčko Distrikta BiH daje garanciju na ime osiguranja dijela kredita u iznosu od 50 %, u cilju osiguranja kolateralna za kredite koje banke odobre korisnicima kredita.

(2) Razvojno-garantni Fond Brčko Distrikta BiH davat će garancije finansijskim institucijama sa kojima Brčko Distrikt BiH sklopi Ugovor o finansijskim uslugama kreditiranja razvoja poljoprivrede, u skladu sa ovim programom i drugim općim aktima Razvojno-garantnog Fonda Brčko Distrikta BiH, a u okviru garantnog potencijala Garantnog fonda .

(2) Subvencionisanje dijela kamata u iznosu do 50 % koje korisnik kredita plaća finansijskoj instituciji vršit će se preko Razvojno-garantnog Fonda Brčko Distrikta BiH i Odjeljenja za privredni razvoj, sport i kulturu.

### **Član 13.**

Radi urednog vođenja evidencije plasmana sredstava i praćenja kretanja promjena na računu iz člana 2. ovog programa, finansijska institucija je dužna dostaviti Odjeljenju plan otplate kredita za plasirani kredit\_krajnjem korisniku u roku od 15 dana od dana plasiranja kredita.

### **Član 14.**

Odjeljenje je dužno na zahtjev finansijske institucije istima dostaviti podatke o korisnicima kojima je odobren kredit, kao i stanje sredstava na računu iz člana 2. ovog programa.

### **Član 15.**

(1) Finansijske institucije su dužne kvartalno, po isteku grace perioda (do 10-og u mjesecu po isteku kvartala) uplatiti iznos glavnice na račun iz člana 2. ovog programa u svrhu formiranja revolving fonda i ponovnog plasmana sredstava.

- (3) U slučaju da finansijska institucija ne naplati planirana potraživanja od krajnjih korisnika kredita, dužna je iz sopstvenih sredstava uplatiti sredstva na račun iz člana 2. ovog programa.
- (4) Ukoliko finansijska institucija ne izmiri obaveze po isteku kvartala Vlada Brčko Distrikta BiH će izvršiti protest mjenice priložene uz zahtjev za plasiranje sredstava.

### **Član 16.**

Odjeljenje je dužno jednom godišnje informisati Vladu Brčko Distrikta BiH o stanju plasiranih novčanih sredstava .

### **Član 17.**

Odjeljenje je zaduženo za:

- a) praćenje dinamike plasmana kredita i njihov povrat u revolving fond,
- b) vođenje analitičke evidencije na osnovu izvoda finansijskih institucija o kretanju plasiranih sredstava po korisnicima kredita ;
- c) praćenje, analizu i vršenje uvida u namjensko i efikasno korištenje kreditnih sredstva.

### **Član 18.**

Za realizaciju ovog programa zadužuje se Odjeljenje, Direkcija za finansije i Razvojno-garantni fond Brčko Distrikta BiH.

### **Član 19.**

Ovaj program stupa na snagu danom donošenja i objavljuje se u «Službenom glasniku Brčko Distrikta BiH».

Broj: 05-000386/21  
Brčko, 23.6.2021. godine

**GRADONAČELNIK**  
**Esed Kadrić**